

DE PEDITV;  
EIVSQUE SPECIEBVS  
Crepitu & Visio:  
DISCVRSVS METHODICVS,  
In Theses digestus:

*Quas*

Præsiede clariss. viro,

BOMBARDO STEVARZIO,  
*Clarefortensi,*

*Defendere conabitur;*

BULDRIANUS SCLOPETARIUS  
*Blesensis.*

*Disputabuntur autem in Aedibus Divæ Cloacinæ, à sum-  
mo Mane, ad noctem vsque mediam.*

Habes hic Lector materiam plausibilem ; sed & maximè vtilem,  
non tantum philosophis & medicis, quorum hæc tractatio maxi-  
mè propria est, verum etiam Theologis, Iurisconsultis; tum Pœ-  
tis, Criticis, Grammaticis, Nomenclatoribus, Musicis, tam  
Figuralistis quàm Choralistis, & tam Cantoribus quàm Sym-  
phoniis, Tibicinibus, Tubicinibus, Liticinibus, Buccinatori-  
bus, Vtricularijs, & ne multis morer, tam sceminis quàm mascu-  
lis omnibus, tam laicis, quàm clericis. Singuli enim hic habe-  
bunt, quod eos juvet.




CLAREFORTI,

Apud Stancarum Cepollam : sub signo Divi Blasij.

Anno M. DC. XVII.

# NO P S I S H V I V S

## Disputationis vel Discursus.



FINIS SYNOPSIS.



D E P E D I T U,  
eiusque speciebus,  
DISCURSUS METHODICUS.

I.



*U*n omnis, quæ à ratione suscipitur de re aliquâ Insti-  
tutio, debeat à Definitione proficisci, ut intelligatur,  
quid id sit de quo disputetur: sicuti Author off. i. Paneti-  
um reprehendendo benè monet, sed statim sua ipsius re-  
prehensionis oblitus ibidem negligit: Iccirco de peditibus Metho-  
dicè disserturi principium à definitione ducemus.

II. Atque ut vocabulum primò explicemus, Peditus Gracis  
πῶπδν est, unde Saxonicum vetus, Purten vel Furten/ quod supe-  
riorib. Germanis levi mutatione vel inflexione factū est Farken:  
Continetq. tam flatus cum sono, quàm sine sono erumpentes, sicuti  
ex Gemmis Gemmarum, Sylvis vocabulorum, Dasipodys, Lexicis,  
& præcipuè fratre Ambrosio Calepino, alijsq. multis authoribus de-  
monstrari potest. Licet aliqui importuni contra contendant, Illud  
vocabulum proprijs, qui cum sono emittuntur, & propriè crepitus  
dicuntur, frequentius usurpari, freti versiculo illo Horatij Saty. 8.

Nam displosa sonat quantum vesica pepèdi.

In quo tamen versu pedere genericè sumi, quis non videt? Imò id  
necessariò quoque nobis defendendum, nisi Poeta illi doctissimo &  
& maxime presso Tautologias & superfluitatis vitium impingere  
velimus, qui se pedere clarum crepitum significare putasset, diffe-  
rentia adjectâ, quâ peditus certam speciem, crepitum scilicet expri-  
mere voluit, minimè restringere opus habuisset.

III. Est autem Peditus in genere flatus in imâ alv. o conclusus,  
vel ex pituitâ redundante tepefactâ, & per imbecillum calorem  
resoluta, nondum verò discussa (ut Medici volunt) vel ex cibarijs  
atq. medicamentis, inflantibus (quod rustici defendunt) potissimū  
natus, per podicem cum aut sine sonitu erumpens, quem ipsum vel  
natura sponte ad sanitatem corporis tuendam expulit, vel Ars



*II. Hac definitio secundum Philosophi doctrinam perfecta est, omnesq; causas & species breviter comprehendit, prout jam ordine videbimus. Atq; ut de genere constat, ita quoque de remotiore eius causa, & quâ flatus y gignuntur pituitâ scilicet & cibus instantibus nonnihil attenuatis, non est dubium, aliàs luculenter id demonstraturi.*

*V. Tepefactam verò & leviter attenuatam materiam esse oportere, constanter asserimus. Nam sicuti in calidissimis locis nunquâ pluit, eò quod calor omnes fumos & evaporationes consumit: neq; etiam in frigidissimis, ubi propter intentissimum gelu nulli fumi exhalare possunt: Sed bene in medijs regionibus temperatis, sicuti rectè Bodinus in Meth. Hist. Cùm Scalig: & Carda: differuit. Ita quoq; æstus vel calor justo maior cibum non solum concoquit, & attenuat, verum etiam vapores omnes dissolvit, discutit, consumit. Frigiditas verò cibum neq; concoquit, neq; dissolvit, neq; fumum excitat. Sed bene exiguus calor, qui cum sit imbecillus, ideoq; cibos non perfectè conficere & excoquere, sed leviter saltem attenuare, ex ijsq; vel pituitâ ventriculi & intestinorum hoc modo multos flatus excitare valet: quam rem magis promovet: sic ibi isti naturâ inflativi sint. Hi namq; exiguo calore excitati fumos multos caliginosos & turbulentos reddunt. Licet hoc idem animadvertere ex comparatione Veris & Autumnici cum Aestate & Hyeme: Item ex destillationib. ubi modicus ignis materijs destillandis subijcitur.*

*VI. Dicitur porrò in definitione, Per podicem erumpens, Ad differentiam 1. Ructus vel Eructationis, quæ ex eadem materia prodiens supernè egeritur, vel propter vicinitatē loci, vel propter alvi duritiem, aut causam quampiam adfectatam. 2. Aliorum flatuum colicorum, &c. & Rugitus vel Latratus vëtris, qui est eiusdem generis flatus intra intestina obmurmurans, nondum erumpens, Et est veluti prologus Comœdiae aut prodromus futura tempestatis. Quo præcipuè virgines & mulieres laborant, quæ se validè constringunt, ut graciles videantur. Hæ enim cæcum intestinum sæpè præter naturam Ferneliō teste flatibus repletum & valde disten-*



habent, quæ intus pugnant non secus ac venti ab Aeolo in m-  
bus occlusi, &c.

VII. Excludit quoque hæc differentia cum reliquis in definitio-  
ne positis 3. Ventriloquos, vocẽ ex pectore mittentes: Siquidẽ flatus  
noster nõ est propriè vox vel interpretatio, neq; etiã ex eadẽ omni-  
no causa prodit. Vt sic differentia illa sit omninò bona, Modum pe-  
ditus egregiè exprimens, quem & Horat. (d. Sat. 8.) egregius arti-  
fex posuit, apud quem Priapus modum crepandi ὡς ὁ λυγρὸς, qua-  
dam per natium fissuram id est podicem declarat.

VIII. Superest in definitione causa finalis, quæ est vel sanitas cor-  
poris ab ipsa natura appetita, vel delectatio quedam ab Arte qua-  
sita. Sed quadam de ea inferius inter effectus commodius dicen-  
tur. Illud saltem hîc monendum, Malos fines à nobis meritò exclu-  
sos, siquidem abusus rei inter fines nunquam numeratur.

IX. Definitione explicata proximum est, ut ad divisionem ac-  
cedamus, eiusq; beneficio species venemur: speciebusq; inventis ea-  
rum definitiones & affectiones quoque exponamus.

X. Summa autem pedituum divisio est in Vocales & Mutos. Quæ  
divisio melior, quàm illa Grammaticulorum divisio literarum in  
Vocales & Consonantes, quæ præterquam quod multis vitijs labo-  
rat, etiam ἀνὸς ἰδιότητι id est ex oppositis non est.

XI. Vocales propriè dicuntur CREPITVS, à crepando, quod y-  
dem per certa sonorum discrimina crepant, quasi ima alvus esset  
crepitaculorum plena, teste Iodoco V Villichio in suis de crepitu the-  
sibus, Germanis dicitur, Ein Hallautender Furr.

XII. Est autem CREPITVS nihil aliud, quàm peditus cum so-  
nitu ex siccioribus vaporibus genitus. Qui pro varietate causarum  
& adiunctorum est vel magnus, vel parvus. Ille pleni vocalis vel  
vocalis simpliciter & propriè. Hic Semivocalis dici potest.

XIII. Magnus vel Pleni vocalis est Crepitus cum sonitu maio-  
re prorumpens, tam propter instrumenta ampla & spatiosa (qua-  
lia sunt rusticorũ) quàm ingentem flatuũ multitudinem, quæ cau-  
santur vel à ciborũ flatulentorũ copia, vel nativi caloris ventri-  
culi, & intestinorum imbecillitate, Germanis Ein Baurenfurr.



XIII. Quia de similibus exemplis Tormentorum curia & magna-  
rum vesicarum, aut fistularum organicarum evidentissime illu-  
strari & confirmari potest, & quidem multò melius, quam Aristophanes tonitrua & crepitus, ignotum scilicet per ignotius conver-  
sa demonstratione demonstrat.

XV. Hi sicut & tonitrua vel Simples sunt, vel Multiplices. Sim-  
ples sunt, qui vno magno bombo simplici & momētaneo cōstant:  
quos Priapus apud Horat. aptissima similitudine à vesica disrupta  
sumpta explanat. Nam de hoc genere eum ibidem loqui cuilibet  
obviū est dum ait, Nam displosa sonat quantū vesica pepēdi.  
Hi Germanis dicuntur, *Arßknollen*.

XVI. Multiplices ( qui DIPHTONGI propriè dicuntur ) sunt,  
quando plures bombi magni discreto quidem sono, sed continua-  
tis veluti spiritibus prorumpunt, non aliter, ac si 10. vel 20. Sclope-  
tarij sua tormenta manuarum successivè per circuitum displodant.  
Germanis *Ein verzencfter oder zerbißener Furs*.

XVII. Fiunt Simples, quando materia similarium est partium,  
& copiosa, & foramen per quod erumpunt, satis amplum, vel distē-  
tum, & virtus robusta, vno nixu agens. Diphtongi, verò, quando  
amplum quidem satis foramen est, & copiosa etiam materia, sed  
velinaequalium partiū, mixta ex calidis tenuibus & frigidis cras-  
sis humoribus: vel varium focum habens, & per diversas intesti-  
norū partes diffusa. Vnde etiam nec simul & semel resolvi, nec us-  
dem intestinorum cellulis includi, nec vno impetu propulsari po-  
tuit: Sed disertè, incertis & inaequalibus intervallis, donec nihil  
superfit, excluditur, ita ut interdum etiam sonus inaequaliter intē-  
di & remitti audiatur: Siq. accedat virium robur expellentis, ne-  
cessariò multi & magni efficiuntur bombi, qui sonant, papapax,  
papapapax, papapapapax, &c. Sicuti est apud Aristoph. in nubib.

XVIII. Potest tamen & Diphtongorum causa in podice esse, quā-  
do videtur is per se quidem amplius esse, & materia aequalis, ut ita  
unum simplicem edere posset: Sed post primum bombum in vito  
forsan elapsum mox podex, non satis tamē, accuratè, (vincit enim  
materia naturam) constringitur, wenn man ihn abbeissen will.



Vbi ob materia copiam & ὀργασμὸν rursus diducitur & iterum oc-  
cluditur non nihil, duratq; hac pugna natura cum materia tam  
diu, donec aut materia omnis elapsa & discussa sit, aut podex vi  
compressus reliquos flatu tempore commodiore emittendos retine-  
at. Huc referendum est Martial. Epig. lib. 12. dum ait:

Et pedit deciesque vicesque: De quo infra, &c.

XIX. De his autem Diphthongis etiam intelligi potest Priapus  
apud Horat. all. loc. Siquidem se tam magnum ventris crepitum  
reddidisse dicit, ut omnes veneficas fugarit. Non enim verisimile  
est, uno simplici bombo sic territas, ut relictis herbis suis veneficis  
& serpentibus, tam contento cursu in urbem fugerint. Licet non  
negemus, primò potuisse simplicem magnum bombum in modum ve-  
fica displosa pramississe, quæ deinde secutus sit diphthongus qui La-  
mias jam territas, & fugam respectantes planè in pedes se dare co-  
egerit, quod tamen Horat. brevitatis causa & tanquàm vulgò notum  
omisit. Quæ interpretatio nobis loco illi obscurissimo & difficilimo  
videtur maximè congruēs, licet de ea cū quoquā litigare nolimus.

XX. Talis autem Diphthongus præsertim, quando ventre rapha-  
nis, cepis, allijs, pisis, fabis, & alijs cibis instantibus qui clarum so-  
nitum efficiunt, probè saburrato, plures brevibus intervallis se  
invicem subsequuntur, adeò terribilis existit, ut pullos in ovīs,  
fœtus in utero quandoq; perimat; Imò & diabolus ipsum fugare  
solet, sicuti ex multis Historijs accepimus, ex quibus unam exempli  
causa nobis hic recitasse sufficiat. Nam cum quidam à Demone  
valdè urgeretur, ut se ei dederet, assensit tandem si Diabolus tria  
præstaret. Petijt igitur primò magnam vim auri: Data est à dia-  
bolo. Secundo, ut invisibilis fieret: Et ipsum diabolus docuit: Ter-  
tià vice, cum maximè anxius esset, quidnam peteret quod Diabo-  
lus præstare non posset, ei forte fortuna præ nimio metu elabatur  
diphthongus, ubi ille occasione hac arrepta mox ait ad diabolum:  
Heus tu diphthongum hunc mihi nodo si potes connecte; quod cum  
diabolus præstare non posset, & aliàs isto tormentario bombo terri-  
tus fugeret ille miser è præsentissimo animæ periculo, hoc uno bono  
ereptus est. Sic legimus, domum demonibus infestam bombi bene-

ficio.



ficioliberatam. Cuius ratio nobis nulla alia videtur, quam illa trita: Sic Ars deluditur arte: & Fallacia fallaciam, Cuneus cuneum trudit. Item maius lumen obfuscatur minus, & per consequens, tenebrae, odores, soni, &c. maiores. Similium enim eadem doctrina & ratio, &c. XXI. Licet autem terribilis sit, ut merito tonitruum vocari possit, tamen salutaris est, ut postea dicitur. Hinc proverbium natum est: Magnum bombum magna talento aestimari.

XXII. Ut plurimum quoque non ita male foetet, nisi in intestinis aliqua putrefactio ex diutissima flatuum retentione suborta sit, ut sic loco interclusi coputrescere incipiant, aut ex cibis comestis gravis odor adsit.

XXIII. Parvus vel SEMIVOCALIS est crepitus cum sonitu minore prorumpens, vel propter loci angustiam, (qualis in virginibus nonnullis) vel propter exiguam flatuum copiam. Ger. forte ein Brömer.

XXIII. Hic recte dividitur in TENUEM, medium, & Aspiratum. TENUES, sunt semivocales vel crepitus parvi ex sicciore & pertenui materia per anum constrictum delati; Qui puellares recte disuntur, Germ. Ein Nonnen oder Jungfraw für klein/sein so spikig/dass einer die Zähne mit stöwen möchte.

XXV. Aspirati sunt semivocales vel crepitus parvi veluti strepitus anserum, ex materia humidioris, ideoque obscurioris, per angustum locum, vel etiam patentem, sed materia pauca & deficiente, ita ut exacte strepitus fieri non possit, delati. Quales sunt pistorum. Germ. Ein Pfeiser oder Beckenschiff.

XXVI. Medij medianatura quodammodo inter utrosque sunt, quando scilicet materia oportune in quantitate & qualitate se mediocriter habens, & iam matura, per podicem nec nimis compressum, nec rustice etiam diductum, sine ulla vi & natura impetussponte elabatur. Germ. Ein züchtiger Bürgerlicher Schiff.

XXVII. Ex his perspicue animadverti potest, varietatem sonorum in his tribus generibus ut etiam alijs ex tribus causis precipue existere. I. Materia flatuum, quae quo siccior erit, eo spiritus clarior, quod humidior, eo obscurior: quo magis aequalior, & eiusdem naturae, eo simplicior: quo diversarum magis partium, eo multiso-



nantior est, 2. Ex loci natura, qui quò angustior, eò acutior, & tenuior sonus redditur, quò amplior, eò gravior, Quò & faciunt, gracilitas & crassities, inanitas & repletio intestinorum. (Inania enim magis tinniunt) 3. Denique virium robore, quod multum ad hanc rē facit. Quò. n. propellens natura fortior, eò bombus maior, &c. Horū itaq; omniū varietate, varij quoq; existunt soni. XXVIII. Declarari hæc respoterit exemplo tiliarum, tubarum, & fistularum. Crassior enim & amplior tibia graviolem & obscuriorem dat sonum. Macra verò vel tenues & angusta, clariolem. Media, medium. Sic tubam validius inflat, validus & bene buccatus socius, debilius debilis & infirmus à flatibus. Ex fissuris quoq; tubarum, fistularum, &c. egregia & artificiosa coniectura sumitur de crepitibus, cur nunc strideant, nunc non item, &c.

XXIX. Sed hic maximè ardua à Villichio movetur quaestio: An in hisce crepitibus possit esse Musica? Ad quam secundum illum Magistratiter & resolutivè respondemus: Esse in diphthongis maximè, non quidem eā, quæ sit voce per eius instrumenta, aut impulsu rei cuiuspiam sonora, ut sit in chordis cithara, vel testudinis aut psalterij: sed quæ sit spiritu, sicuti per tubam & tiliam redditur. Quapropter hic non est Harmonica vel  $\rho\upsilon\delta\mu\iota\kappa\eta$ , sed organica Musica, in qua, ut in alijs leges componendi & canendi non difficulter excogitari & consarcinari possent, ita ut acuti & puellares primo loco, post illas mediae vel civiles, aniles aut vetulares, ultimo graves vel viriles rusticorum statuerentur, non secus ac Diatonico canendi genere per Pythagoream dimensionem dispositum est. Wenn man das Lied machen wolte: Es wolte ein Bawr einen Palstroch schneiden: Ründt eslich grobe Diphthongisten fein den Bass darinn halten. Vbi & observanda esset victus & personarum ratio. Nam ex subtiliore fumo, & angustiore loco acutior, ex nebuloso & spatio ampliori bis tanto gravior effertur sonus, Clariores enim sonitus faciunt qui sicciore flatus gignunt; obscuriores, qui humidiores efficiunt. Quid multis? Albus nihil aliud est quam organon  $\omega\omicron\lambda\upsilon\phi\delta\omicron\gamma\iota\sigma\omicron\nu$ , in quo quis etiam systerna 12. troporum vel potius modorum citrà negotium colligeret.



XXX. Hic tamen notandum erit illud philosophi: Quod omne sensibile excellens suum destruat sensum. Quare hic omnia moderata placere debebunt, non gravis ille sonus & adeò magnus, qualis in Hispania montibus & apud cataractas Schaffusienses, qui homines exurdat. Neque enim adeo parvus esse debet, ut eum qui audit, audiendo fatiget. Mistura item sonorum diligenter observanda, tum ne semitonys adeò minutè concidantur, ut non percipiantur à sensu, tum ne plures acuti vel graves in unisono consociantur, quod insuavem reddit Musicam, nisi quis choralem forè tentare vellet. Modorum denique habendus delectus, nec omnes sine discrimine usurpandi, sed tales, qui suavitatem adjuvant, quales sunt, Lyxoleibius, Hypolyxoleibius, Dorius, Hypodorius. His omnibus observatis, non impossibile est, ex pluribus talibus inter se distantibus concentum fieri, qui ex auditus pro miraculo habeatur.

XXXI. Quem ut surdus quoque audire possit, lanceam sumat, cuius unum caput ad anum musicantium apponat, alterum dentibus apprehendat; quo pacto contingentia beneficio omnia sonorum intervalla mirabili dulcedine percipiet, sicuti in simili à Cardano & Baptistà Porta à Neapol. demonstratum. Quod si surdus iste, vel alius qui vis, etiam saporis particeps fieri cupit, musicamq; etiam gustare, arundinem sumere præstabit, cuius capite altero ore apprehenso & spiritu fortiter adducto, voti compos evadet.

XXXII. Hactenus de Vocalibus. Tempus ut nos ad MVTOS conferamus, qui sunt Peditus absque sonitu ex humidioribus quodammodo & paucioribus flatibus geniti: Et latinè propriè dicuntur VISIA, à verbo VISIRE, & Germanis est Feisten/ sicuti Iosephus Scalig. in suo Catullo testatur.

XXXIII. Sunt autem vel Sicci, vel Liquidi. Sicci absque crassiore materia pedentium & tacitè erumpunt, & Germanis vocantur, Schleicher. Liquidi verò, qui Germanico Idiomate dicuntur Drempler/ semper secum trahunt aliquid crassioris materiae vel oleti liquidioris, quod flatum ventris obscuriorè efficit, & loco teli vel fulminis in hisce speciebus est. Facile autem ex subucula vel odore pessimo dyjudicari possunt. Nam regula ista, quae de ijs propriè



constituta est, semper certa est Liquida. Muta Syllabam facit ancipitem: Ein Dreck in den Hosen. Quo referenda Historia Diaboli, qui cum vellet emittere crepitum, & per merdatis braccis exiret liquidus mutus, podicis sui perfidiam detestatus indignabundus exclamavit vulgatum illud: NVS QVAM tuta fides, &c. Hinc illi, qui eiusmodi mutos liquidos praevertentes braccas prius demittunt, aut indusum attollunt prudentes appellantur.

XXXIV. Iudicantur tamen hi liquidi salutare, quando sic sine sonitu excernuntur, quod indicent, non magnam esse spirituum copiam, & excrementa quoque liquidiora, quibus cum flatus illi absque periculo excernuntur. Materia quoque simul maturitatem indicant, & exonerandos lumbos, juxta illud:

Maturum stercus est importabile pondus.

Aliàs si cessetur, & illi cum telo redeant, multum negotij in braccis faciunt.

XXXV. Atque haec sunt potissima divisiones à forma desumptae, & per dichotomiam, quantum fieri potuit, explicatae; quasi in omnibus observata non est, nemini mirum esse debebit, cum ipse philosophus hanc saepe impossibilem, saepe absurdam esse, non uno loco dicat. I. De part. animal. 6. Top.

XXXVI. Licet autem & secundum materiam flatuum, vel potius efficientem eorum causam eos dividere in Ceposos, Alliatos, Raphanatos, Brassicatos, Farciminatos, Pisones, Lentulos, Cicerones, Polentarios, &c. Item ex Adiunctis, In Adfectatos & in voluntarios. Sed hi ad priores reduci possunt. Et ex postrema divisione Adfectatus inter probos viros vix tolerabilis est, Nisi inter contubernales, & qui in eodē lecto tenentur, qui sonorū crepitū risus movendi aut se invicem vexandi gratia non semel adfectant, adeoq; clare crepant, ut an ea tormenta quis putet. Interdum verò podice subucula occluso, crepitum aut visum, sensim evolantes, candela ad mota incendunt, qui pulveris flagrantis instar ad aethera abire. Interdum verò Mutos manibus excipiunt, & sodalis naribus ex improviso dijudicandos adponunt (Pfun Zeuffet. Vulgo Ein warme Lochtaube.) quod tamen minus ferendum videtur.



Alter vero Involuntarius, qui scilicet nolentibus nobis, aut resu-  
pinantibus aut securvantibus aut etiam ex magno quandoq<sup>3</sup> risu  
aut metu erumpit (qualis ille de quo supra) veniam mereri potest.  
XXXVII. Expositis jam definitionibus earumq<sup>3</sup> causis; de effectibus  
quoq<sup>3</sup> nonnihil monendum est, qui licet ratione causarum varij  
sint & dissimiles, ad duo tamen summa genera reduci possunt, Bo-  
norum & Malorum, ad quos tamen supremos fines Stoici, & hos  
secutus Cicero suas de finibus disputationes direxerunt.

XXXVIII. Boni per se semper sunt & salutare peditus omnes, qua-  
tenus scilicet homo illis liberatur. A pluribus enim morbis sanant,  
ab Hypochondriaco dolore furore colicâ, torminibus ventris, Iliacâ,  
&c. Sicuti contra, quando intro conduntur, & revolvuntur,  
vel occluduntur, flatus illi caput replent, & propter exhalationum  
multitudinem imaginem corrumpunt, Melancholicos, Phrene-  
ticos, faciunt, alijsq<sup>3</sup> gravissimis morbis hominem implicant. Hinc  
defluxiones in capite, ex fumorum Meteororum destillatione, quæ  
in subiectas partes derivantur, & tusses & catharros excitant, sic-  
uti Medici frequenter inculcant. Quid multis? Non potest quis  
justam in studijs quarumlibet rerum operam ponere, nisi idem o-  
mnipandiculatione, omnibusq<sup>3</sup> flatulentis torminibus & solutus  
& liberatus fuerit. Melius igitur vel maximo strepitupedere,  
quàm Iliacos, aliosq<sup>3</sup> gravissimos dolores perferre.

XXXIX. Quæ & ratio Imp. D. Claudium (sic à claudendo dictum,  
per antiphrasin, quasi minimè claudentem) nunquam satis lau-  
datum movit, ut edicto veniam daret ijs, qui in convivio efflatû  
& crepitum ventris emitterent. Vidit nimirum ter max. ille, deq<sup>3</sup>  
hominum salute optimè meritis, maximeq<sup>3</sup> sollicitus Imp. quosdam  
nimis civiles (qui mori potius deligerent, quàm tale quid commit-  
tere) ex tormentis vel Iliacis vel colicis adeo torqueri, ut vitam  
cum morte commutarent, sicuti Suetonius, Dion & alij historici  
testantur, Ex quibus constitutio illa, quæ aliàs in Codice, sicuti alia  
multa, Cujacio teste, desideratur, restituenda erit.

XL. Non est autem quod hac cum civilitate morum pugnare quis  
rigidè contendat, siquidem expuriore philosophia contrarium a-  
pertè



peritè probari possit, Stoicorum præsertim, quos Cicero ipse & omnes  
saniores philosophi in beata vitæ ratione tradenda reliquis longè  
anteponunt.

XLII. Hi igitur inter salutaria vitæ præcepta, Ructus & flatus libe-  
ros esse debere non tantum præceperunt, sed & gravissimis argu-  
mentis convicerunt, quæ Cicero in quadam ad Patum Epistola (9.  
Famul. 174.) refert & strenuè defendit, (licet in Offic. in hæresin ne-  
scio qua falsa honestatis specie relabatur) inter quæ hoc præcipuum  
est: Quod omnia & agenda & facienda sint, sicuti natura du-  
ctus exigit. Nec est quod hîc quis de pudore multum garriat, qui  
etiamsi hîc locum haberet, quod tum minimè concedimus, eum ta-  
mè devorare vitæ esset, ut corpus redimeretur. Cuius si quis prava  
ex cōsuetudine nihilominus adeo magnā curā habet, potest crepi-  
tū iussi vel pedū aut mensæ strepitu, vel cane adhibito dissimulare.

XLII. Quò pertinet & illud quod in subitis maximi usus esse sa-  
pius compertum est, Natium scilicet compressio, podicis musculo  
summo simul nisu contracto & constricto. Sed hoc remedio qui vi-  
olet, diligenter cavere dicunt, ne illi eveniat, quod Priapo apud  
Horatium, qui diffissa ut ait nate maximum bombum emiserat.  
Et quod Aethoni apud Martialem, qui cum subito ventris tor-  
minibus obortis & flatibus ingentibus, Iovem compressis validè  
natibus salutarer, corpusq; veterum more precaturus resupinas-  
set, gravissimè pepedit. Versus Martialis, lib. 12, Epig. 78. hi sunt:

Multis dum precibus Iovem salutat,  
Stans summos resupinus vsque in vngueis,  
Æthon in capitolio pepedit.  
Riserunt comites. Sed ipse Divum  
Offensus genitor, irinoctiali  
Affecit domi cænio clientem.  
Post hoc flagitium misellus Æthon,  
Cum vult in Capitolium venire,  
Sellas ante pedit Patriocianas,  
Et pedit deciesque vicesque.  
Sed quamvis sibi caverit crepando,  
Compressis natibus Iovem & salutet;  
Turbatus tamen vsque & vsque pedit  
Mox Æthon, deciesque vicesque.

Ita nimè legendum & restituendum carmen illud antiquissimi libri manuscri-  
pti qui Romæ in Vaticano extat, auctoritate probatur.



*XLIII. Sed hic posset quis non immerito querere: Siquidem tam salutare sunt peditus, An etiam arte juvari possint, vel debeant? Et respondemus magistraliter, Quo ad expulsionem mali jam contracti, quod sic. Ad quod duplicia sunt remedia, 1. Qua intra adhibentur, ut sunt Medica illa ex Aniso, Fœniculo, Ledo ariâ, &c. calidâq; omnia, qui flatuum expulsionem maxime inserviunt. 2. Quae foris adhibentur, ut clysteres, suppositoria, &c. Quò pertinet & modus ille, ridiculus quidem, sed non contemnendus, quando quis instar canum mingentium pede uno, quod musculorum motus adjuventur, levato, & natibus diductis, crepitum maximo bombo expellit.*

*XLIV. Vvas verò & ficus recentes, pisa, aliâq; legumina, item raphanos, allia, cepas, & id generis flatulentula, & quae facile concoqui non possunt, edere, aut mustum bibere, vel venere multa uti, quo crudo stomacho crepitus ventris adaugeantur, & luculenta tonitrua edantur: Id non est inter medicamenta mali, sed potius facere malum, ut eveniat bonum. Cuius eventus cum sit dubius, nescio alicui consulere, ut hoc tenet, nisi forsân certamen aliquod joculari instituere, aut musicam quampiam venustam adornare vellet. Tunc enim arte rem juvare permittimus, quò citò & expedite cantores pedere possint.*

*XLV. Atque hactenus de bonis Effectibus. Sequitur de Malis, qui sunt odores & faetores pessimi, Indusij signatio, Braccarum impletio quae hospites interdum à mensa fuget; in liquidis mutis praesertim. Qui tamen effectus omnes non sunt perpetui: Nam non semper, nec omnibus speciebus accidunt: Ita ut boni Effectus per se, & proprii sunt summo generi, eiusq; speciebus omnibus. Mali autem saltem accidentarii.*

*XLVI. Potest quoque inter bonos & malos quidam effectus esse interjectus & medius veluti rubor in facie ex verecundia ortus, qui prout in subiectum cadit, nunc Bonus, nunc malus est, Media scilicet naturæ, sicuti Mercurius, qui bonis planetis sociatus, bonus est, malis, malus. Ita quoque rubor, prout in juvenem aut senem cadit. Nam in illo laudatur, in hoc vituperatur.*

*XLVII. Ca-*



XLVII. Caterum sicuti bonos effectus promovere docuimus, ita quoque malos cavere si quis velit, duplex itidem habet remedium, i. In Medicaminibus intrò assumptis, de quibus supra. In clysteribus & suppositorijs, Quorum omnium beneficio quis octiduo ante, quàm ad convivium iturus est, se satis sufficienter evacuare potest.

XLVIII. Illud inter salutare monere ferè oblitus sumus, prodesse simul mejere & pedere, ex rationibus medicis multis hîc non allegandis, & versiculo vulgatissimo:

Mingere cum bombis, res est gratissima lumbis.

Vnde quoque natum proverbium sine flatu mingere, nihil aliud esse, quàm proficisci Romam, & non videre Papam. Licet plerumq; prius mejatur, quàm peditur. Nam dum unum alteri auxilio est, interdum flatus prius vesicam comprimentes urinam expellunt.

XLIX. Restat, ut de signis dicamus. Quæ vel Apodictica sunt, vel necessaria, vel probabilia. Apodictica, in quibus causa præsens effectû citò subsequiturum demonstrat: quale signum est Raphanorû, ceparum, &c. esus. Necessaria sunt, quando unus effectus jam secutus alterum quoque simul prodijisse, demonstrat, qualia sunt, Odor malus, sonus, stridor, &c. Probabilia, quæ non semper nec omnibus speciebus accidunt, ut contractio, rugitus vellatratus ventris, tussis, pedum strepitus, &c.

L. Quæ signa si quis probè observaverit, artem ex ijs condere GASTROLOGICAM, calendariâq; de Peditibus certissima summa cum vulgi admiratione scribere poterit.

Vberio-



U  
berioris exercitij gratiā,  
Sequentia addimus problemata.

1. QVæritur, An vbi multi-flatus emittuntur, aliquid decedat Animæ?

(Respondemus. Nihil quidem anima ipsi per se decedere, Et quæ sit amens-  
stos, sed Anima proximo & propriissimo instrumento, Sit ali scilicet spiritu. Et hoc ta-  
men non semper sed quando in magna copia, simul emittuntur. Tunc enim sicuti in  
omni copiosiore evacuatione accidit vires debilitant resolvendo & consumendo Si-  
tales spiritus. Et ideo Musicantes illi perpetuò refocillandi erunt musto, cepis, ra-  
phanis, & similibus.)

2. An Horologia possint fieri ex crepitibus?

Resp. Quod sic, cum sint motus numerantes tempus secundum prius & posterius.

3. Cur Crepitus Imperatoribus assimiletur?

Resp. Quia sicuti Imp. summam habet in subditis vita & necis potestatem, ita  
quoque crepitus, aliquē servare & perdere possunt. Hinc Versus Vincentii Obsopai:

Et crepitus multos nequicus erumpere perdit:

Et servat, balbum quando dat ore sonum.

Ergo si servat crepitus, iugulatq; sonando:

Regibus hunc magnis quis neget esse parem?

4. An hodie omnes peditus sint Legitimati?

Resp. esse ex novis constitutione D. Claudii, quæ generaliter loquendo nullibi in  
iure reperitur correctæ aut restrictæ. Quod bene notent practtantes iuris, & inter  
observationes cancerales referant.

5. An personæ pedentis dignitas aliquid addat authoritati peditus? Exempli  
gratia, vtrum peditus Papæ dignior sit, quàm gregarii alicuius sacrificuli, am-  
bobus eadem quantitate & qualitate existentibus?

Resp. Quod sic. Nam Papæ aut Imp. alicuius crepitū nemo reprehendit, sed omnes  
salutis acclamatione approbant. Quod secus in aliis inferioribus qui interdum et-  
iam ob id, contra omnia tamen iura, mutantur. — Nam iura natura immutabilia  
sunt, & prava consuetudine contraria minimè mutantur.

6. An peditus arte chymica distillari possint, ita, vt educatur Quinta pedituum  
essentia?

Resp. Maxime, Sed cum spiritus sint, iccirco Recipiente amplo, quali stantur in  
conficiendo oleo Vitrioli, & podice artè applicato excipiendo sunt maxima copia, de-  
inde condensandi in oleosam substantiam sive balsamum, qui postea per circulatio-  
nem in sole perfici debet. Et fiet Quinta essentia maximarum facultatum.

7. In Musicorum gratiam quæritur, quot sint genera crepituum, secundum  
differentiam soni.

Resp. 62. Nam sicuti Cardanus ostendit, Podex quatuor modis simplicibus cre-  
pitum format, Acutum, Gravem, Reflexum, & liberum. Ex quibus compositis fiunt  
modi 58. quibus additis quatuor simplicibus erunt ex prolationis differentia 62. cre-  
pituum genera. Qui volet computet.